

Prof. dr. Gorana Sulejmanpašić

Zaposlena je u Klinici za psihijatriju Kliničkog centra Univerziteta u Sarajevu kao specijalista neuropsihijatar na poziciji šefice Klinike i vanredna profesorica na Katedri za psihijatriju i medicinsku psihologiju Medicinskog fakulteta Univerziteta u Sarajevu.

Magistarsku tezu pod naslovom "Shizofrenija-genetičke osnove razvoja poremećaja" je odbranila 2010. godine na Medicinskom fakultetu Univerziteta u Sarajevu. Odbranom doktorske teze 2015. godine "Komparacija morfoloških i funkcionalnih parametara kod pacijenata oboljelih od shizofrenije dobivenih na osnovu analiza magnetno rezonantnog prikaza (MRI) i vizuelno evociranih potencijala (VEP)" na Medicinskom fakultetu Univerziteta u Sarajevu je stekla zvanje doktor medicinskih nauka.

Počasno zvanje primarijus je dodijeljeno 2024. godine. Pored kliničkog rada bavi se naučnim istraživanjima iz oblasti kliničke i biološke psihijatrije, a naučno područje od interesa je shizofrenija koju je obrađivala u okviru magistarske i doktorske teze. Autor je i ko-autor većeg broja naučnih, profesionalnih, preglednih radova i kongresnih saopštenja, preko 30. Iz oblasti psihijatrije je autor i ko-autor u pet udžbenika. Učestvovala je u tri međunarodna i domaća naučno-istraživačka projekta, kao i u radu brojnih svjetskih, međunarodnih, regionalnih i domaćih kongresa, simpozija i konferencija kao aktivni učesnik i pozvani predavač, te u okviru edukacijskih škola i treninga. Dobitnica je "The CDE Grant- 30th ECNP Congress of Applied and Translational Neuroscience", 2017, Paris, France.

Predsjednica je skupštine udruženja za Biološku psihijatriju psihofarmakologiju Federacije BiH-Biological Psychiatry and Psychopharmacology Association of Bosnia and Hercegovina (PBABH), koje je članica World Federation of Societies of Biological Psychiatry (WFSBP). Članica je World Federation of Societies of Biological Psychiatry (WFSBP), kao i Psychiatric Association of Bosnia-Herzegovina (PABH), te European Psychiatry Association (EPA).